

序



卷



周禮者太平經國之書也其
間版圖之貳目會嘗乎之土地
之畝目書考記之形體之法遂人
造之地事之圖土訓記之春卿
則小史外史掌其志夏初則
司險職方掌其圖地理之繫

序

一

於治道由來舊矣後世郡邑
有志即小史外史遺意特考
一方之考子故以資新省採擇
以備黃圖蒼粹與甚鉅也使
有倡而莫繼或廢佚而不修舊
聞湮沒澂於無從何以稽成
憲而昭職守予向於庶成咸

承乏點舊奉

旨纂脩各省通志延儒開館考覈凡
舉例予亦相與參訂歷三載
將授梓適有巡按江西之

命未獲親成至今猶耿耿曾隱今
春來莅兩浙素續繁糗會燥
縣李令重修縣志告成乞予

序

二

序其首予考嶠為舊制縣
山水甲於東南杜子美稱其
秀異李吉甫運嘆其清妙白
太博以刻為越中眉目而王戴
劉阮之事又噴噴人口乃宋以前
志志自高似孫刻為刻經元
許汝霖明許岳英夏鍊山周

海登以志繼之

國朝張逢藎表為表陳從李
繼之諸編或失則繁或失則
略或失則踳駁而不純自康熙
癸亥迄今六十載邑事之官
登簡績者甚夥令茲是者惟
簿書為全較是弱志之系不一實

序

三

目李令獨能以編摩自任雖
仍前摺之規模實本一己
之裁製約而該詳而不濫明
晰而有體後之宰是邑者可
以察戶口之多少官考所以考田土
之上下可以核賦役之繁減
所以別民風之淑慝蓋三山

川城池解宇橋梁道路之屬
皆可以知至理易經直及感襄
興廢所由為功豈淺鮮哉予
嘉其留心治道共周官相吻
合理思點志纂輯之維艱益
知嶮志告竣之匪易爰目其
信而為之序


序

四

省

乾隆壬戌夏月兩浙使者

常安題



序

雍正辛亥歲浙省輯志之役大
當事徵外史博資檢校嘗購宋
俞瑞剡東錄而卒不可得得高
似孫剡錄亦非善本云夫剡固
浙之繁縣也既掌訓方宜崇典
要苟徒侈二戴風流王謝清放
棟以雅藻之致則諾若夫闢智

序

一

譖之窟宅關運數之勾股則未
之有逮耳矣踰輯通志一紀而
嵯令李君以邑志開雕夫秦漢
置縣曰剡宗易曰嵯今稱嵯志
循其寔也且以嵯志之難成也
自宋呂後一循於元四脩於明
若周海門尚書育良史之風內
閣書目特載之

本朝康熙癸辛兩亥間亦各歲事
焉而乃書缺畀間其故何也蓋
嶧本四山院隘形方氏以其低
離屢有割置然而嶧嶺起伏五
馬據泉屏蔽台金析聞角越寔
自古用武之地漢樓船將軍攻
東越唐張伯義平素昆王式平
裘甫宋劉述古平方臘莫不蹂

序

二

郭躡輿燬及典帙固其宜也今
夫大雅江漢之詩歌詠武功然
終之曰矢其文德洽此四國哉
國家自康熙甲寅寧海將軍惠
獻貝子殲嶧寇保溫台策勲宸
偉永錫爾祉男畊婦織山高水
長耳不聞金鼓之聲日不聞
旗之狀蓋天下之太平亦已

矣是以履其土田昔何呂燕今
何以闢覈其戶口昔何以耗今
何呂繁察其風俗管何呂悍今
何以溥數其人物昔何以渙今
何呂萃

泰運邳隆

聖人先定縣縣翼翼文德覃敷名虎
對揚學士摛藻志之編纂維其

序

三

昔矣邑雖偏隅聿昭元化甚矣
令之志之勤而舉之能得其典
要也豈直曰剡谿秀異欲罷不
忘也耶余故應其請而序之抑
聞唐鄭言弁剡錄亦饒歌奏凱
之詞其又剡錄之嚆矢矣乎余
且次第索覽與剡東錄同備參
考焉

大清乾隆七年歲次壬戌季夏中浣
誥授通奉大夫淞江等處承宣布政
使司布政使加職一級加一級
紀錄十九次桐城張若震撰



序

自宗宣和而嵎始名縣自嘉定間有高氏錄而嵎志始萌芽自明神宗朝有周海門編而嵎之志始通于上國後有作者難易無之何以故夫人未有室家庶事艸菑落手茫然猝不知所如往有從而垣墉之樸斲之或又從而墜茨丹雘之勤靡餘勞思已過

序

半後之人但庚續而終之姑視其家所少者補苴而張皇之有不可者乃埽而更之則蔚乎其章矣故曰易然而日月既久時異事異是故志天文者莫先堯典然其時冬至日在虛昏中昴至宋之慶元而日已在斗昏已中壁矣志地理者莫先禹貢而自漢以來九河迷不得路鄭氏從緯書謂

為齊桓所塞蔡氏從王橫謂為海水
所漸矣蓋雖聖人之經不可為典要
已若是而况其散乎故曰難博白李
君當官有幹實換縣得嵎三年而政
成一切治辦百廢具舉念古之為政
者必訪於遺訓咨於故實居今日而
求遺訓故實也者舍志其焉從禮載
孔子之言曰古也有志下而陳代及

序

二

滕之百官皆稱志曰狼曠謂周志有
之申妣時謂教之故志使知廢興以
某為邑長於斯而壞亂不脩等諸虞
車之蠟是失一鑑也其若從政何於
是置官局聘名士求遺書具筆札供
糗糧費不及下成不僿素嘗試取其
書閱焉發凡起例拾遺補闕倍舊志
者三之而參之以驗稽之以決疑其

穢而鎮其浮正其違而治其煩考諸
一門彌合穀梁傳著傳疑原成知古
知今之指君子謂是書也可以志矣
今夫志一也合之則曰邦國周禮小
史掌之若今一統志省志是也離之
則曰四方周禮外史掌之若今郡縣
志是也以縣達郡以郡達行省以行
省達

序

三

京師備土訓誦訓之所道獻之

天子而高以下為基則必自縣始是故為
政者亦必自縣始孔子曰與其託之
空言不如見諸行事之深切著明也
則願與君交勉之

賜進士出身中憲大夫知浙江紹興府事
加一級長洲周範蓮書



序

居恒讀書經史外喜周覽天下郡邑志得
以微窺盛衰得失之故未嘗不歎志之所
關甚重而載筆之不可不慎也已未受知
上憲自湯溪移岷夙聞周司空汝登志善
甚索之不得僅得袁生尚衷本心竊有所
未安且踰甲子又一紀矣夫記載以資考
鏡固未可聽其放佚况我

序

朝文教四訖惠政覃敷食舊德而服先疇者
將播揚休明潤色鴻猷之不暇乃猶以愁
苦怨咨之聲發為慷慨激烈之論非可為
訓也然則今日之宣

聖化而正民心其莫亟於志乎不揣蹇僂思滅
灶而更炊之雖然難言矣蓋歆知古則考
據宜精歆知今則聞見宜確茲則行笥既
鮮載籍屋是邦者復無識大識小成一家

言用資采擇則訂謬難補偏尤難如
就簡苟且塞責究何足以昭典章垂軌
故稿經三易意終未愜辛酉夏檄攝山陰
篆山陰為越首邑士大夫多名山石室之
藏幸不斲假觀又因田君實秬得識俞君
忠孫二君皆呂詩古文詞世其家遂端在
筆削欣然曰自茲可觀厥成矣爰發舊編
更番論次定為十編今為六十六目發凡

序

二

起例取古今名家著述仿而行之未嘗故
為異同亦豈漫無去取要之所增者掌故
所汰者繁蕪所部署者後先之序所條晰
者累黍之紊總不敢窈比於胡愆之漢書
辨正石介之唐書糾繆而體裁已懸規模
一變則上述既往庶免無遺憾矣惟此七
十餘年之事既采擷維難亦傳聞多異度
或略近而詳遠舉小而遺大甚至仕宋仕

元而冠以前明爵秩越疆越界而借為本地風光設徇其名不核其實非惟誣一邑且將以誣天下何則邑志者郡志通志一統志之造端也嗟乎志之所關若是不其難哉而予顧任之者大呂彰教維風為職今所當盡上以佐

聖天子文明之治次以答各

上憲知遇之隆并欲此邦人士知秀事詩

序

三

書朴安畝畝者皆太和翔洽所致益勦忠愛以成敦龐之俗此所以知其難而不以難自諉也記曰琴瑟不調甚者取而更張之茲之以述兼作其有大不得已之苦衷也夫嘗

乾隆七年歲次壬戌二月朔旦文林郎知嵯縣事加一級古白州李以琰撰



後序

志與史何難乎山川區里風俗沿革一切至纖且
悉振綱而網羅舉非才與學靡爲也若夫列傳人
物權衡惟其識矣顧史家是非畧定處嚴密筆削
人不得而掣其肘志則綜輿論而爲子孫者類能
緣飾其前軌名實譁則取舍惜故視他繼排尤綦
難也實秬幼束髮受書侍先君子先君子該洽善
古文辭名于時太守俞公委郡志焉先君子曰是
府怨我也雖然而母屈吾筆每一傳成必以詔實
秬並歷舉天下郡邑志臧否反覆提耳實秬熟而

嵯縣志

後序

一

志之不忘戊午省試俛得復失獲知粵鍾山李公
明年公自湯溪移治嵯于是始修謁稱弟子門下
公旣起嵯諸廢旋及志以屬其鄉人王瀚進士而
命實秬操鉛槧其後未而月瀚需次謝去會世講
俞君忠孫倦遊歸里忠孫者鞠陵先生令子績文
邃古所謂克世其家學者也亟介紹推致之與朝
夕從事定爲十綱六十四目稽類按部追原極委
考證同異間或因事寓規期以兩人所稟承先世
成一邑書庶幾藉手報知己也書成進于公公之
言曰琴瑟不調解而更張之以進郡大夫周公則

公之言曰室家草創補苴而埽除之僉以爲勝舊本矣乃兩人愧未當也岷故偏邑文獻尠可據曩者海門尚書號良史材手輯志彬彬大雅不百年已無完書今隻字不可收拾自是而上若夏孝廉雷錢文學悌許編修汝霖高通議似孫典文益邈矣下此袁王兩前輩固以舛脫譏忠孫曰訂譌余責乎惟是六七十年來蒸俗造秀此邦人亦欲導揚厥盛實秬宜執簡俟之久而哀不盈帙賢而才者地氣果足以限之與抑風之淳也毋飾美以誣其先與忠孫誠才學猶弗敢居實秬無識強爲難者諒哉人其知之矣壬戌仲冬旣望會稽田實也書於岷署東偏之清妙亭



縣志姓氏

鑒定

紹興府知府加一級周範蓮君江南長洲人戊辰

纂修

嵒縣知縣加一級李以琰山廣西博白人甲午

參訂

嵒縣儒學教諭沈錫培開仁和人癸卯

編次

進士王瀚深廣西倉梧人癸丑

國學生俞忠孫雷會稽人

縣志 姓氏

生員田實和稷會稽人

探解

舉人鄭彥瀛瀛人癸卯

舉人吳炳忠大邑人丙辰

副榜貢生吳熙德峻邑人丙辰

貢生周熙文上邑人

貢生喻學鈞璧邑人

拔貢生高紹圓方邑人

拔貢生葉方葵新邑人

生員裴克紹徽邑人